# 白話字的正詞法

# 正詞法的規則

閩南白話字講究「分詞連寫」,連寫的時,采用短橫("-")連接多音節的語詞。 白話字分詞連寫的規則如下:

# 1、名詞

- (1) 單純名詞
  - ●單音節的單純名詞,分寫。比論講:儂、馬、天、樹。→ (lâng, bé, thi<sup>n</sup>, chhiū.)
  - ●多音節的單純名詞,連寫。比論講:葡萄、和尙、哥倫布、西班牙、彌賽亞→ (phû-tô, hê-siūn, Ko-lûn-pò, Se-pan-gâ, Bí-sài-a)
- (2) **合成名詞,連寫**。比論講:聲音、朋友、天地、父母;烏雲、懸山(高山)、 頭毛、禮拜堂、天光、年老→(sia<sup>n</sup>-im, pêng-iú, thi<sup>n</sup>-tōe, pē-bú; o-hûn, koâi<sup>n</sup>-soa<sup>n</sup>, thâu-mn̂g, lé-pài-tn̂g, thi<sup>n</sup>-kng, nî-lāu)
- (3) 名詞+附加成分,連寫。比論講: 鳥仔、金鏈仔、日頭、老母 → (chiáu-á, kim-liān-á, jit-thâu, lāu-bú)
- (4) 名詞重疊 (têng-tháh), 連寫。比論講: 時時、日日、年年、儂儂 (人人)。→ (sî-sî, jit-jit, nî-nî, lâng-lâng)
- (5) 專用 (專有)名詞。
  - ①. 姓佮名,分寫。比論:劉/邦、洪/秀全。→ (Lâu Pang, Âng Siù-choân)
  - ②.稱呼,nā 單音節的,連寫;nā 多音節的,分寫。比論:孔子、秦/始皇。→(Khóng-chú, Chîn Sí-hông)

- ③. 地名。單音節的專名+通名,連寫;多音節的專名+通名,分寫。比論講:中國、黃河、大清/國、台灣/海峽。→ (Tiong-kok, Ng-hô, Tāi-chheng kok, Tâi-oân hái-kiap)
- (6) 方位詞。
  - ●單純方位詞,頭前有名詞,連寫。比論講:天頂、火中、水底、門口、頭殼頂。

    → (thi<sup>n</sup>-téng, hé-tiong, chúi-tóe, mng-kháu, thau-khak-téng)
  - ●合成方位詞,恰其它的語詞配搭,分寫。比論講:土地/裡面、百姓/中間、降生/了後、亞非利加/以外。→ (Thó·-tōe lāi-bīn, peh-sì<sup>n</sup> tiong-kan, kàng-si<sup>n</sup> liáu-āu, A-hui-lī-ka í-gōa)

## 2、動詞

- (1) 單純動詞
  - ●單音節的單純動詞,分寫。比論講:看、行、走、拍、食、學。→ (khoàn, kiân, cháu, phah, chiáh, óh)
  - ●多音節的單純動詞,連寫。比論講:吩咐、呵咾、迌。→(hoan-hù, o-ló, chhit-thô)
- (2) 合成動詞,連寫。比論講:學習、看見、相拍、咒誓、訐譙、損蕩。→ (hák-sip, khoà<sup>n</sup>-kì<sup>n</sup>, sio-phah, chiù-chōa, kàn-kiāu, sńg-tōg)
- (3) 重疊動詞,連寫。比論講:行行、笑笑、削削、洗洗。重疊動詞中間有插入趨 向動詞,分寫。比論講:走來/走去;翻來/翻去。→ (kiân-kiân, chhiò-chhiò, siah-siah, sóe-sóe; cháu-lâi cháu-khì, hoan-lâi hoan-khì)
- (4) 動詞+趨向動詞,連寫。比論講: 滯(拿)來、落去、看出來、流入去。
- → (théh-lâi, lóh-khì, khoàn--chhut-lâi, lâu--jip-khì. ) (雙短橫,表示「後壁」讀輕聲。

注意:輕聲, 俗「分詞連寫」無治代, 請分明。)

- (5) 動詞+時態助詞,連寫。比論講:行囉、去啊、出世囉、坐咧、拍著。→(注意:早前,白話字處理即款時態助詞的時,並呣是將時態助詞當作「輕聲」處理。所以,hit 時是寫做:kiâ<sup>n</sup>-lo·h, khì-ah, chhut-sì-lo·h, chē-leh, phah-tiòh,呣是寫做:kiâ<sup>n</sup>--lo·h, khì-ah, chhut-sì-lo·h, chē-leh, phah-tiòh,中學是寫的辦法。即點,特別聲明一下,請注意。)
- (6) **動賓結構的動詞中央有插入其它語詞,分寫**。比論講:落/大/雨、見/伊/的/面、 讀/即/本/冊。→ (loh tōa hō·, kì<sup>n</sup> i ê bīn, thak chit pún chheh.)
- (7) 動補結構的動詞中央有插入「kah」、「會」、「鱠」(bōe),分寫。比論講:食/kah/飽、食/會/飽、用/鱠/了。→ (chiàh kah pá, chiàh ē pá, ēng bōe liáu.)
- (8) 判斷詞「是」, 分寫。比論講:空氣/是/啥物?海水/是/鹹的。→ (Khong-khì sī sím-mih? Hái-chúi sī kiâm--ê.)
- (9) 「呣是、著是、總是、也是、抑是、攏是、nā 是」……這攏連寫。

## 3、形容詞

- (1) 單純形容詞。
  - ●單音節的,分寫。比論講: 儕、大、遠、鳥、緊、勇。→ (chōe, tōa, hōg, o, kín, ióng)
  - ●多音節的,連寫。比論講:囉唆、囂六、骨力。→ (lô-so, hau-lak, kut-lat)
- (2) 合成形容詞,連寫。比論講:聰明、烏暗、清涼、鬧熱。→ (chhang-miâ, o-àm, chheng-liâng, lāu-jiát)
- (3) 重疊形容詞。

- ●單音節的,連寫。比論講:緊緊、儕儕、戇戇、肥肥。→(kín-kín, chōe-chōe, gōng-gōng, pûi-pûi)
- 多音節的,分寫。比論講:歡歡/喜喜、紅紅/燒燒。→(hoan-hoan hí-hí, âng-âng sio-sio)

# 4、數詞俗量詞

- (1) 單純數詞,分寫。比論講:一、十、百、千、萬。→ (it, chap, pah, chheng, bān)
- (2) 合成數詞。
  - ●一至九後面加「十、百、千、萬、億」,連寫。比論:二十、三百、四萬、七億。→ (jī-chap, san-pah, sì-bān, chhit-ek)
  - ●「十一」至「九十九」,連寫。比論:十一、三十五、九十三。→(cháp-it, sa<sup>n</sup>-cháp-gō, káu-cháp-sa<sup>n</sup>)
  - ●合成數詞後面加「億、萬」,分寫。比論:六十/萬、七十四/億。→ (lák-cháp bān, chhit-cháp-sì ek)
- (3) 量詞。
  - 単純數詞+量詞,連寫;不而過,多音節的量詞,分寫。比論講:兩丈、三寸、
     八/點鍾、五/大洲。→ (nn̄g-tn̄g, saʰ-chhùn, poeh tiám-cheng, gō· tōa-chiu)
  - ●合成數詞+量詞,分寫。比論:八十七/度、四十一/年。→ (poeh-chap-chhit tō, sì-chap-it nî)
- (4) 次第數詞,「第」恰「數詞」,連寫;次第數詞佮後面的量詞,分寫。比論講: 第一、第二十;第三/項、第七十二/篇。→ (tē-it, tē-jī-chap, tē-san hāng, tē-chhit-chap-jī phin)
- (5) 分數:分母恰分子,分寫。分母恰分子中間的「的」字,分寫。比論講:五分

/一、百分/百,十分/的/一分、三分/的/兩分。→(gō--hūn it, pah-hūn pah, cháp-hūn ê chit-hūn, saʰ-hūn ê n雨g-hūn)

#### (6) 概數。

- ●兩個前後相接的單純數詞連用的時,連寫。比論講:三兩/項、十四五/代。→ (sa<sup>n</sup>-nn̄g hāng, chap-sì-gō· tāi)
- 數詞後壁加「外」、「○ (零)」,分寫。比論講: 六百/外/粒、十萬/○/八里 → (lák-pah gō. liáp, cháp-bān khòng poeh-lí )

# 5、代詞

- (1) 單純代詞,分寫。比論:我、恁、汝、伊、阮、啥、幾。→ (góa, lín, lí, i, gún, sián, kúi )
- (2) 合成代詞, 連寫。比論: 家己、別儂、啥物、怎樣。→ (ka-kī, pat-lâng, siá<sup>n</sup>-mih, chái<sup>n</sup>-iū<sup>n</sup>)
- (3) 代詞後壁有結構詞「的」,分寫。比論講: 我/的、別儂/的。→ (góa--ê, pat-lâng--ê)

## 6、副詞

- (1) 單純副詞,分寫。比論講:著(就)、也、攏、全、真、咔。→(tóh, iā, lóng, choân, chin, khah)
- (2) 合成副詞,連寫。比論講:已經、漸漸、約略、險險、雄雄。→(í-keng, chiām-chiām, iok-liòk, hiám-hiám, hiông-hiông)

## 7、介詞

介詞,透底噯分寫。比論講:共(kāng/kā)、對(tùi/ùi)、用、比、互(hō)。

## 8、連詞

- (1) 單音節的連詞,分寫。比論講:恰(kah/kap)、nā(假使)。
- (2) 多音節的連詞,連寫。比論講:因爲、假使、既然。→ (in-ūi, ká-sú, kì-jiân)

## 9、連詞

- (1) 語氣助詞。
  - 單音節語氣助詞,分寫。比論講:啥/物件/啊? 下(hē:放)/坫/火爐底/燒/呣? → (sián mih-kiān ah? Hē tiàm hé-lô--tóe sio--兩?)
  - ●多音節語氣助詞, 佮頭前的語詞, 分寫。比論講: 食/一碗/niā-niā (而已)。
- (2) 擬聲詞,連寫。比論講:嘩嘩、吱吱、嗷嗷。→ (hōa-hōa, ki-ki, áu<sup>n</sup>-áu<sup>n</sup>)

## 10、熟語

- (1) 四字的熟語,分寫。比論講:國泰/民安、天地/萬物。→ (kok-thài bîn-an, thi<sup>n</sup>-tōe bān-but)
- (2) 其它的熟語,按詞分寫。比論講: 食/遘/老,學/遘/老。→ (chiáh kàu lāu, òh kàu lāu)

整理人:林建輝

http://blog.yam.com/limkianhui/